

PROKLAMASIE

2023



Leef vastelaovendsvrun,

De pries vaan de gaas en d'n èllentrik geit door de plefong en kos noe 'n vermoge,
Dat had twee jaor geleie geine verwach en dao is geine cent vaan geloge.

De inflatie is nog woets zoe hoeg gewees,

Mèt de vastelaovend veur de deur goon veur dat zeker veule in us portemenees.

Oondaanks alle elend geit mien sermoen noe toch beginne,

Jummers, veur 't viere vaan vastelaovend, kint geine 'n smoesje verzinne!

Twie jaor gelije stoond miene lèste veurgenger hij mèt de scepter in zien hand,

Al deen tied hadde veur geine Prins, want 't vreiseleke corona-virus waor in 't land.

Gelökkeg heet 't wachte op beter tije ziech geloend,

En weur iech noe in es eure nuie Hoeglöstegheid gekroend.

Lummel aon de Maos steit vaanaof veureg jaor prominent op de callepin in Mestreech,

De megaloods is veurgood vaan de baon en de gemeente zuut noe ouch 't leech.

De lui oet de buurt hóbbe mèt viefhoonderd maan hun stum laote hure, door te protestere,

Laote v'r hope tot de Buurtraod pin hêlt en veur de ierste stein binnekort kinne annoncere.

In Nazareth keump de rinnovatie vaan de hoezer en ouch de nuibouw, lankzaam tot 'n ind,
vaanaof 2014 weure die planne oetgeveurd en dus d'n aonhawwer wint.

Laote v'r hope tot ouch d'n aandere kant vaan de wiek aon de beurt maag koume,

Daan krijg ouch 't prinselek pelies 'n väöl beter en sjoener onderkoume.

Door alle oonrös in de wereld stoon veur hij toch mèt get gemingde geveules in de zaol,
lech daon daan ouch 'n oetdrökkelek beroop op uuch allemaol.

Vastelaovend goon veur viere, proper en mèt belump,

Op dees meneer kinne veur us ammesere en toch zörge tot 't us good bekump.

lech wins uuch allemaol väöl plezeer en ammesatie,

Op de sjoen en gezèllege klaanke vaan de "vastelaovendspripperatie".

Gegeve te Lummel, 22 jannewarie 2023, door:

Aqua-Technologicus, Sportivicus, Platedreijologicus

Prins **Etienne 1^e**